

Gobierno no ta bay cambia ROP pa acomoda ningun proyecto

## Area di Isla di Oro ta cay bou di proteccion cu lo bay tin den Parke Marino

**DURANTE** di e di Aruba a pidi conferencia di prensa conseho di diferente semanal di Gobierno departamento. di Aruba, Minister di Infraestructura y Medio Ambiente Otmar Oduber, a elabora riba Dia 28 di mei a ricibi conseho di Directie Natuur en Milieu (DNM) y dia 13 di juni a ricibi conseho di departamento Directie Infrastructuur en Planning (DIP).

Tabata mesun Otmar Oduber, kende tabata Minister di Gabinete Mike Eman, a anuncia cu Isla di Oro lo bira un estilo di Bora Bora y tabata masha orguyoso di esaki, pero awor a cambia di idea.

Hunto cu e consehonan aki y a base di documentonan cu a wordo manda e.o. MER raport y documentonan cu a wordo entrega dor di e desaroyadornan, riba 14 di juni Gobierno di Aruba a notifica Dell Real Estate NV (cu ta e compania cu kier desaroya Isla di Oro den Zoetry Resort), cu a base di e diferente puntonan cu a wordo treci dilanti, Gobierno no ta mira cu n'e momentonan aki e sitio ta adecua p'e tipo di proyecto aki.

E mandatario a splica e motibonan pa cual a tuma e decision aki y tambe e maneho di Gabinete Wever – Croes pa ora cu ta trata proteccion di nos naturalesa y medio ambiente.

'E proyecto cu ta ensera desaroyo di Isla di Oro, ta un proyecto cu pa basta aña tabata topico di combersacion den nos comunidad. Pa locual t'e interes cu a presenta pa desaroya e area aki, Gobierno

Minister Oduber a indica cu apesar di no

ta otorga e permiso, e proyecto ta keda un proyecto interesante pa pais Aruba.

Segun Minister Oduber, tempo cu e tabata e mandatario encarga cu Turismo e tabata opina esaki y awor e Minister actual di Turismo Dangui Oduber, tambe a mustra su sosten p'e tipo di resortnan asina cu ta den un 'niche market'. E tipo di proyectonan aki lo crea un mercado nobo pa nos pais cual ta algo interesante pa Aruba.

Pa locual cu t'e decision di no otorga e permiso n'e desaroyador, esaki Minister Oduber a splica cu ta sosteni pa conseho di e diferente departamentonan manera menciona (DIP, DNM) y a base di ROP y MER raport cu a indica cu e sitio no ta adecua p'e proyecto. Adicional Gobierno ta sali for di e punto di bista cu no ta bay cambia ROP pa acomoda ningun proyecto.

Ademas, e Gobierno aki a compromete su mes cu dentro di poco lo ta entregando e landsbesluitnan necesario pa conseho na Raad van Advies pa loke ta trata e areanan cu mester wordo



protegi como tambe e Parke Marino.

'Mi tin e honor pa por continua cu e plannan pa realisa un Parke Marino. E plannan pa bin cu un Parke Marino ta pendiente ya pa casi 30 aña na Aruba, pero aworaki poco poco ta acelera esaki pa ta sigur cu esaki ta bin na vigor e aña aki. Den bista di e plannan

cu tin di areanan cu ta wordo protegi den e Parke Marino, e area di Isla di Oro tambe ta cay den dje.

E maneho di Gabinete Wever – Croes ta para p'e maneho den e ROP y ta para cu seriedad pa proteccion di e 16 areanan como tambe creacion di un Parke Marino,' Minister Oduber a conclui.